

BAB 3

Penjajah Jepun menggunakan slogan “Semangat Asia dan Asia untuk Orang Asia” bertujuan untuk meraih sokongan penduduk tempatan untuk menjajah rantau Asia Tenggara. Propaganda tersebut bertujuan untuk menanam dan meningkatkan semangat antipenjajah Barat dalam kalangan penduduk tempatan. Slogan tersebut juga akan menaikkan imej Jepun sebagai sebuah kuasa pembela terhadap negara-negara di Asia Tenggara yang dijajah oleh kuasa barat. Melalui muslihat ini, pendudukan Jepun tidak akan ditentang oleh penduduk tempatan di Asia Tenggara.

Muslihat Jepun menduduki Asia Tenggara adalah untuk mengukuhkan kedudukan ekonomi Jepun sebagai sebuah kuasa industri di Timur, dengan penggunaan slogan tersebut Jepun dapat menguasai hasil bumi seperti bijih timah, getah, emas, bauksit dan arang batu yang banyak terdapat di Asia Tenggara. Kekayaan hasil galian dan pertanian ini dapat menyumbang kepada keperluan sektor perindustrian di Jepun secara berterusan.

Kesimpulannya, muslihat Jepun menggunakan slogan tersebut bertujuan untuk memudahkan dasar perluasan kuasa mereka di Asia Tenggara tanpa mendapat tentangan yang hebat daripada penduduk tempatan.

*(Mana-mana jawapan munasabah diterima)
(Maksimum = 4 markah)*